

Igl um vegl e ses fegls

Sin pugn da mort vul in um vegl aunc dar a ses treis fegls in bien cussegl, che duess gidar els en tuts graus.

El ligia ensemen plirs paliats e camonda a ses fegls da rumper quei fasch. Mo ton sco els sesforzan e sedrovan, vul ei buca reussir.

Cheu sligia il vegl il fasch e muossa a ses fegls con lev ch'ei va da rumper ils paliats in ad in. Cu igl um miera, lai el anavos a ses fegls siu luvratori. Mintga feagl ei enguords ed emprova da raffar a sesez la pli gronda part dall'ierta paterna. Ed els sescognan pervia dil fatg, co il luvratori seigi da menar il meglier. Essend ch'els san buca secunvegnir, ein els prest senza tetg ni slonda. Els havevan buca capiu il cussegl dil bab.